



~~C7824~~

Ud 5368

2^o



Brno 5368 22 (1-14)

4
OCCASVS

in AURORA

SEV

MORS PRÆMATURA

PERILLVSTRIS DOMINI

D. FRANCISCI CAROLI

in Czereia

SAPIEHA, ^P

Theſauraridæ Magni & Notaridæ

M. D. L.

RETOVIENSIS & CAPITANEI,

Inter lugubres funeris cerimonias

Panegyrica Comploratione

ADVMBRATA

à

SAPIEHANO

Collegio Brestensi Soc: IESU.

Anno ab Increati Solis exortu M. DC. LXXX.

Villæ Typis Academicis Soc. IESV.

81
*Anno Patri in Xto P. Ignatio Capolli Soc. IESV
cum humillimis obsequijs et debita submissione Indignus in Vrb. Sordy*

IN AVITUM
INSIGNE ILLUSTRISSIMÆ DOMUS

SAPIEHANÆ

C

F

T

M

L



S

N

D

C

R

In Cœlos rectâ contendit cuspide Telum,
Crux inter Ceras quod geminata notat:
Sors alijs metam trabeatos ponat Honores,
FRANCISCI TELO Meta fit ipse polus.

678476



Ad ILLUSTRISSIMUM D.
D. BENEDICTVM PAVLVM
in Czereia

S A P I E H A ,

MAGNUM THESAURARIUM

NEC NON NOTARIUM M. D. L.

ROSLAVIENSEM, RETOVIENSEM, OLKIENI
CENSEM, ZYDEKANENSEM &c. &c.

C A P I T A N E U M .

Quem nuper inter tristem feralis
pompæ apparatus domo elatus lu-
xeras Filiû, in Paternos sinus re-
ducere accipe, Illustrissime Domine. Vitâ
illi Faterû injuria rapere potuit; nec
dum tamen à Te dividitur, adeoque à
A mor.

morte etiam Tibi adhærere amat. Ni-
mirum, Patritiû illum splendorem, quẽ
cum sanguine simul FRANCISCVS
traxerat, feraliter occidens, in idem iu-
bar refundit: vel certè matutinâ nocte
decolorem AVRORAM Tibi advol-
vit, ut Illustrissimo Tuo nomine, ab
Umbris vindicetur: quæ licet in fata-
les desijt tenebras, oblivionis tamen ca-
liginem effugiet, si tanti sereni vicini-
am nanciscatur. In æternitate non de-
situræ vitæ sua virtus FRANCISCUM inau-
guravit: in pagina quoq; posteritati vi-
cturus, à quo vitam olim hauserat, glo-
riæ lucem auspiciatur. Contra Tui dolo-
ris pertinaciam, nemo melius pugnare
poterat, eo, qui in palpebram ereptum
Filium ingessisset. Expedi igitur am-
plexus Pater, & luctuosæ orbitatis sen-
sum in animo oblitera: huius Tibi aspe-
ctum officiosa pagina indulgebit. Quod
si dolor, (quo nihil apud afflictos po-
tentius est) tali solatio irritatur potius,
plagamq; trahit animus, unde remedi-


um expectabat ex mente Stoici, in pri-
mævâ prole Illustrẽ MICHAELEM
SAPIEHA animû conijce: hoc inco-
lumi, conqueri de Fortuna minimè po-
teris, quæ sic in altero natorum lævi-
tiam contumpfit, ut in alterû nihil cru-
dele diu moliatur. Acquiesce, (quod
ille ait) alterius Filij dignitate, alterius
otio, utriusq; pietate, Superstes, quam,
diu incolumem nobis videre contin-
gat, Illustris soboles, exundâtes abster-
gat lacrymas: cuius, ad maxima quæuis,
Tuo, SAPIEHANOq; more exporre-
ctam indolem, cum animadverto; pol-
liceri Tibi Illustrissime Domine meritò
possum, altero Filiorum amisso, nihil
præter numerum defuturum. Frustra
dolori intabescas, cùm cœlo prolem
partitus es. Tantus videlicet fueras, ut
felicitatis Patriam, omnibus numeris
perfectissimam, auctiorem de Tuo red-
dere potueris. Fuerit hæc Pænorum
Ducis gloria, novennem filium Aris ad-
movisse. Tu octennem FRANCISCUM

Astris addidisti: tantò Annibale fortu-
natiorem futurum, quòd præclara illius
sanguinis virtutisque trophæa, nulla
Campania labefactare possit, cum illius
ad egregia præfervidam indolem, Ca-
puæ luxus infregisset. Age Illustrissime
Domine vinci a Te liberalis æther
neq; vult, neq; poterit; adeoq; non am-
bige, nobile hoc, quo hodie cælum
auctius est, munus; ab eodem Tibi cum
fænore refundendum. Ita vovet

Tuo honori devo-
tissimum.

Collegium Brestense

Societatis IES



PARENTALES
LACHRYMÆ.

Quantum efferata Fatorum contra mortale ge-
nus atrocitas, aut nocere nobis vellet, aut ob-
esse posset, in vobis documentum accepimus
MAGNIMANES. Neq; enim ambiguum est,
Majori clade Magni Ducatus orbem affici unquam potuisse,
quam cum gemmantem FRANCISCI SAPIEHA pueri-
tiam busto mors intulit. Semper quidē Magnorum funera tri-
ste lacrymarum sequitur diluvium; planēq; nunquam grandes
animæ occidunt, quin diuturna plorandi Materies nobis
exoriatur: nullibi tamen uberius decurrit dolor, quam, ubi
ingentis spei nepotibus parentatur, quorum crescendi ter-
minos, mortuali saxo, præcipitata mors consignavit. Et
ut ingenuè fatear, immeritò lacrymas impendi eorum fu-
neri existimo, qui ad singulos prope gradus deficiendo,
remedium anhelantis senij, fata præstolantur. imo, mori
illis quædam requies est, quæ fessum anniscurisq; animum
sopiat, & diu multumq; iactatam vitæ onerariam, in por-
tum aliquando exponat. Quid enim mirum, si grauis an-
norum mole senecta, ad extrema deducitur? cum & ipsa
in tumultum vergens ætas sepulchrum deposcat, quæ effe-
tum virium languorem, simul ac canis induit, busti effecit
Candidatum. Illud terrarum iacturâ non mediocriter ampli-
ficat

ficat, cum robusto adolescentiæ vigori formidanda mortalitatis iura præcocem admovent interitum, ut cunas sepulchro socient, & in numerum mortuorum abeant, quando primum nascentium syllabum vix auxere. Æternum itaq; nobis impositum esse plorandi tributum sentimus; cum exiguam FRANCISCI SAPIEHA vitæ usuram, irreparabili damno, in fœnus immortalitati cessisse intuemur. Æternum & fati piaculum adhæsit, cum vitæ illius primordia busto includunt, pueritiâ brevibus annorum intervallis circumscriptâ, quæ à teneris iam inde Magnis ausibus initiata, vivendi expetebat plus ultra. Equidem tanta clades lacrymas universo Litvano orbi excivit, primo tamen titulo ad Illustrissimam SAPIEHARUM Domum pertinet, cui exoriens sidus, vel ipsi Zodiaco invidiam pariturum, umbratico fatorum occasu obrutum, & videmus, & deploramus. Libet tam invidioso nomine primos FRANCISCI annos virtutisq; exortentia studia appellare: certè, quod ætatem contingit, in Laticlavij Litvani omen, à præsaga Fortuna effusus, grandiosem Honoris ominabatur diem, famam, illustri radio accensurus, nisi præcipitata Mortis nox, caliginem sibi offudisset. Virtus insuper, Phosphori nomen iure merito sibi adlegit, quæ FRANCISCO, prohibitatis facem intra ipsa cunabula, excitare visa est, cum à primis annis tantam ad recti studium proclivitatem infuderat, ut in Majora pietatis incendia, credi potuerit exarsura. Noctem itaq; in Auroram fatum transtulit, cum scintillantem virtutem ætatemq; extinxit, nocte illata, ubi congruus Orienti locus esset,

Sepiam effunde calame.
 non alius color decet

Perillustri FRANCISCI SAPIEHA
 Capitanei Retoviensis &c.

luctuosum obitum.

Optimè MAGNI NEPOTIS funera

atra-

atramenti exarantur fuligine.

Ut ab illius obitu pagina atrata incedat

Pullata, ad Mærorem

Cum illustri bullæ interias agit.

Nisi fortè, penna etiam, lacrymis immergi amet,
 quibus, suffusi stagnant oculi.

Genuinus hic Magni Doloris stylus est,
 cum palpebras in fletum eliquaveris,
 etiam paginam, hoc rorè tingere.

Nimirum,

Facile in chartam exundat doloris procella,
 cum lacrymarum fluctibus oculos immerfit.

Si solis occasum irrigua deplorat tempestas,
 cælo in pluviam resoluto,

Cum siderum Principem tenebræ involvunt:
 et Nostræ AVRORÆ eclipsim,
 oculorum imber comitetur.

Majora hinc lucis dispendia numeramus,
 quia nunquam compensanda:

Liberaliter igitur effundere in paginam Dolor,
 Decet luctus tenacitatem odisse,

Cum præmatura fata, plorandi suppeditant
 argumentum.

Nullibi turpior lacrymarum parsimonia est,
 quam, ubi vitæ nostræ prodiga Mors extitit.

Si quando plorandi vis per palpebras exhauritur,
 Hinc, oculorum fluentia, nunquam exarescant:

adeoque

Finem ille dolor nolciat,

quo vitæ initijs parentatur.

Clades hæc non plebeija est,

quam ex merito nunquam deploras,

Quamvis Thebarum ostia, profluentibus lacrymis, referâsti.

FRANCISCUS SAPIEHA.

Illustrissimorum Parentum Filius,

Magnorum Ducum Nepos

Illorum gesta, egregijs moribus expressurus,
 in ipso vitæ apparatu, vitâ destituitur:

Tantam iacturam, ne totus quidè eluat oceanus lacrymarum;

Affudent huic tumulo lacrymas posterî,

Totq; huic funcri præficas, quot homines, posteritas nûcrabit.

B2

Non

Non enim alia Parentalia meruit ille,
qui æternitatem meritis adepturus,
Præcisas in prima herba Spes, intulit Monumento.

PRimas igitur diras, fatalis hic Tuus occasus meruit
FRANCISCE, quod Tibi Patritium invidit splendorem,
inducijs nec tantillum datis, donec Illustrium gestorum
magnitudine, in orbis palpebra, Heroum Te prolem fuisse
comprobares. Non enim popularis gloriæ fastigio Illustrissi-
mus Majorum sanguis Te initiaverat, sed primas intra cu-
nas, cum infantilibus fascijs, maximos Fasces fortuna illi-
gâisset, laticlavio Te genuerat, quod emeritos humeros Ti-
bi induisset olim, si ad trabeam nato, adolescere per fata
licuisset. Sed quia variantis fortis exemplo, egregia illa
indoles, pueritiæ metas non excessit, nec ultra spei termi-
nos magnum animum eluctari mors permisit, sterilem hanc
iacturam, immortalibus Majorum Tuorum meritis voca-
lis fama, apud posteros excusabit. Ingeret hæc in Nepo-
tum, pupillam, capacissimæ mentis indolisq; Ducem, Litva-
num Herculem, Avum Tuum **PAULUM SAPIEHA**;
quem in nostra memoria emori non sinet raptæ Moscho-
viæ vita, quam, violatæ pacis vindex acerrimus, ultore gla-
dio multavit, quando in suam cladem fertilis, redintegra-
tâ acie, plures illi barbari Martis manipulos objecisset. Vos
testor (quibus hostilium tumulorum numerus aspectum
eripuit) Brestenses campi. Obtexerat vos latè viris armisq;
vesanus furor, & in suam necem armata dementia: ut ef-
set nimirum, unde olim, & Brestæ aggeres, & **SAPIE-
HANO** honori trophæa surgerent. Cessit impar **PAV-
LO** æmulo Moschovitica Ales, nec in **SAPIEHANI**
acinacis splendorem (quamvis erudire ad soles pupillam
Aquilæ creduntur) involare potuit, quin in palpebra vin-
dicem sensisset radium, terræq; latibula quærere coacta sit,
medelam tanto vulnere, a tumulorum umbris petitura. Et
merito,

merito, ab illa clade fuliginem pennis indueret, nisi iam
olim, candorem exosa barbaries, in ceras colorem hunc
admisisset. Planè sui funeris augur, quod infaustus; id
est nigris aubus, in arenam esset descensura. Quodsi etiã
Taurum objecerat, ut triumphalibus armis terrorem in-
cuteret; etiam hic in vulnera patuit, sensitq; invictam Her-
culis nostri clavam, & **SAPIEHANAM** virtutem, de
genu cadens adoravit. Ita te fama canat, victure in fa-
stis, æternitatis vir in omnem demerendæ Patriæ occasio-
nem intentissime, quàm hostilium funerum pleni aggeres
vitam pluribus hodieq; inspirant, cum emortuum boni
publici studium Tuo exemplo in plerisq; excitant. atq;
adeo nullus Brestæ campis insistet, quem non Tuæ vir-
tutis admiratio rapiat, quatenus exanimi horum cadaverum
ruinâ fortitudinis quodam sensu animetur. Ingeret & al-
terum ævi sui Curium, cuius emeritam in toga & sago vir-
tutem Palatina adornat trabea (si non ornatior ab eo eva-
dit, quem felicem comperit magnus honor) **IOAN-
NEM TARLO** Palatinum Sandomiriensem. Superi,
qualis hic quantusq; nitor! Cælum etiam in illius con-
spiravit decorem, dum in Palatinas Ceras influxit. Non,
quod lucis dispendia Illustrissima hæc Domus aliquando
sentiret, sed ut cælo dignas animi dotes, his astris re-
penderet, adeoq; lucem luci adderet. Nisi quod post
Pylij senectam, meritis gravem ætatem, his stellis æther
sibi despondit. Certè hic noctis comitatus, nihil tene-
brarum in Palatinas ædes invexit, in quibus nihil repe-
rias, quod non solis radios æmuletur. Age Domus Il-
lustrissima. immortale Tuo nomini trophæum, perenne
FRANCISCO SAPIEHA mausolæum, Gentilitiã exstrue
ASCIA, & præcipitatum **AVRORE**. Nostræ occasû,
tergemino, Patriciarum (quæ cum Materno traxit san-
guine) stellarum ordine, vindica. Tua tamen ante o-
mnes

omnes gloria, ab oblivione FRANCISCUM eximet, in
gignente ver Nomine, ad æternitatis felicitatem inau-
gurate, Heros belli artibus, pacisq; industriâ longè cla-
rissime, M. D. L. Magne Thesaurarie, BENEDICTE
SAPIEHA. Qualis Tu Paternæ virtutis heres esses, nu-
per ad Chocinum in Poloni Litvaniq; orbis palpebrâ
demonstrasti: ubi SAPIEHANÆ virtutis non vulgaria
documenta, cum Illustrissimo Fratrum ternione exhibens, or-
bem edocuiſti, quod Paterna dexteritas, (extra profanas,
Romæ superstitiones, halitum exspirantium Patrum, ore
circumfulorum nepotum excipientis) Vobis perenniter
inhæſiſſet. Eclipsim passa est Thracica Luna, cum inter
Lechicorum Procerum lumina, vestræ quoq; purpuræ ni-
tor, sidus barbarum perstrinxisset. Stolidam Philippi vesa-
niam irrident veteres fasti, quod sagittarias phalanges con-
tra solem instruxerit, & pharetratâ procellâ diem extin-
guere voluerit: Vestram famam loquetur æternitas; qui
GENTILITIAM SAGITTAM, in triste illud funestumq;
iubar, ad cuius exortum regnorum felicitas occidit, O
thomanicam inquam Lunam, feliciori Marte direxistis,
quæ depressis iam cornibus minor, cum, Invictissimo Po-
loniarum Regi IOANNI III. pedibus affusa, nobilem
ad Regale solium attollit gradum, etiam Vestræ gloriæ
arcum erigit triumphalem. Vectigalis Tuæ famæ fortu-
na videri poterat, nisi domestici sideris occasum post
barbaræ Lunæ tenebras intendisset, FRANCISCI ca-
put tantâ pro clade reposcens. Sed quo ego ab oratio-
nis fluminibus ad nobiles sanguinis rivos deflexi? tem-
pera dignis majore cothurno laudibus inordinate dolor-
itane vim dicendi à clade SAPIEHANA ad clavam: à
parentali rogo ad Maritales tædas, à morte ad Martem
transtulisti? nimirum magnitudinem iacturæ non facile
conjecisset orbis, nisi horum magnitudini comparatam,
quos

quos illustribus gestis FRANCISCUS æquasset olim, ni-
si speratæ fortunæ cursum, fastinata mortalitatis iura ve-
tuissent. Non sterile illius gloriæ argumentum est, tan-
ta Majorum felicitas. Transfusum hoc ab Avis nomen,
pulchram in posterorum memoria famæ illius impri-
met venustatem: non enim irrita in tantis natalibus la-
tebant gestorum præſagia; nec dubito pulchritudinem tan-
ti nominis meritis olim impleturum fuisse, sed quia im-
par spei fortuna primos vitæ ausus destituit, sic etiam
hereditario iure ad Parentum gloriam pertinebit. Vel cer-
tè, grandia hæc nomina in paginam retuli, quatenus hu-
mili aliàs Eloquentiæ, à tanta Trabearum celsitudine, ma-
jestas quædam accederet: ut, quam sua defecit venustas, à
pulchro nominum fœdere eam sortiretur. Nisi quod fu-
mosæ hæc Majorum imagines, funeri optimè conveniunt,
quas Parentali FRANCISCI rogo antiquo more circum-
posui, ut funebrem pompam in cineres abeunti corpori in-
struerent, cum præſica pagina, æternitate continuandum lu-
ctum modulatur.

Quisquamne credat? luteus Hesperii
Infausta vidit lumina Phosphorus
Primasq; gemmantis diei
Noctiferâ temerâsse stellâ
Sors visa cunas? Cymmerijs gravem
Oram tenebris squalidus intulit
Æther aprico, & solis igni
Occiduo sociavit ortum?
Portenta narro, qualia ferculis
Instructa quondam mensa Thyestijs
Patravit; igne diminutum
Cum medio iubar axe retro
Titan reduxit, dum Pater oblitus

Rictus suomet sanguine, duceret
Crateras undantes, necatâ &
Prole famam relevaret arctam.
Sed nulla metro fabula deroget
Fidem. minori lumine vespera
Extinxit ortum, SAPIEHANÆ
Cum tragicam Libitina noctem.
-Offudit iuventæ. Prima pueritiæ
Eos, Avorum tincta nitoribus,
Astrisq; Laticlavorum
Aucta, Tuas pudescit ostro
FRANCISCE Cunas. VEIERIÆ Domûs
Et KOPCIORUM Lumina purpuræ
Et lana CZARTORISCIORUM
Sidonio mage tincta fuco,
Illas serenat. Murice rorida
Fovère natum vellera, fascias
Dedère Fasces, & tenellæ est
Iussa vices obijisse bullæ
Conchyte pavit quam Tyrium toga.
Quando perenni fœdere connubi,
Intexta, grande SAPIEHANIS
ASCIA TARLONIANA iunxit
Deus SAGITTIS. Hoc trabæ iubar
Honoris olim non humilem Tibi
Spondebat augem, Mortuales
Nî tragici nebulæ sepulchri
(Majora natæ perdere sidera)
Noctem intulissent ante meridiem.
Mallentq; fata triste Eoas
Hesperijs radiare flammæ.
Illustre, quod iam lucis eges rogi
FRANCISCE. (manet lacryma) Littavæ
Sidus

Sidus tiaræ, fer dicata
Ad socios pia vota Manes.
I fidus alto, sic precor ultimùm,
Præcepto olympo: quæ rapuit diem,
Perennis ad sudum sereni
Te vehat hæc brevis umbra faci.
Siste querclam Pagina.
Felicitaris omen ex funere hoc colligendum est.
certè enim
FRANCISCI accessit laudibus,
quod nostræ decessit spei.
Immatorum fatum, fortunam illi maturavit.
Brevioris vitæ impendio
perennem mercatus est gloriam:
atq; in solem immortalitatis ivit, cum sibi mortale iubar
occidisset.
Alijs gloria sit diu vivere: æternitatem meruisse
FRANCISCO SAPIEHA
laus est maxima.
Malè in cuiuspiam clogia annorum census computantur.
Hæc maxima Panegyris est,
cum diu non possis, Bene vivere.
Et verò
Injurius in cœlum est, qui solas deformis lenectæ rugas,
illi venustatis Patriæ admovet.
Amant Elysijs campi vireta pueritiæ Floribus vernare.
Imò, novæ voluptatis sensus Aulæ illi ingeritur,
cum liberalem iuventæ formam,
inter suos ephebos excipit.
Manum à FRANCISCI raptu Æther non abstinuit?
Amat juvenum rapinas cœlum
quod, Ganymedis furta, ad huiusmodi ausus
initiârunt.
Nec brevioris vitæ probrum morienti opponere
quia nec in sole meritò carperis,
Post horarum aliquot moras, ad occatum inclinari.
Is mihi ultra Pylij senium vitam produxit
D

quisquis eouſq; vixit,
 ut æternitati in ſpolium cedere potuiſſet.
 Maſte animo FRANCISCE,
 Alios ad faſtidium uſquè, vitæ Olympia fatigant;
 Tu breuibus annorum moris illa confeciſti:
 cœlum in prima pueritia meritus,
 Quod alij per ſæculorum tædia vix attingunt.
 Feſtina in Fata ætas
 Breviſſimam ſui uluram Tibi indulſit:
 quia magna æternitatis ſtadia molienti, maturè incæpto opus
 eſſe noverat.
 Difficile ad ſuperos iter eſt,
 à vivida iuventa faciliùs ſuperatur,
 in quo anhela ſenectus non rarò ſuſſistere vel invita cogitur.
 Æternitatis faſtigio par,
 Terreni Honoris apices terere perofus eſ;
 ſatis habens couſq; vitam produxiſſe,
 ubi perenne honoris culmen
 & meritorum limitem, & vitæ imponit coronidem.
 Ita enim vero eſt.

FRuſtra fatiſ ſuccenſemus mortales, quòd ante ca-
 nos & rugas FRANCISCUM SAPIEHA rapuerint;
 quia hæc, non ſæcula ſed virtutem computant, quam
 æternitati inferant: falcemq; adeo mittunt, ubi adulta
 iam virtus ferrum expetit; aliàs detrimenti non minimum
 cœlo factura, niſi meſſem maturarent. Idem nimirum hu-
 mano generi, quod optimo hortorum decori malis, in-
 genium eſt, ut aliqui in primo adoleſcentiæ vere; alij pro-
 vectiore ſenectutis hyeme, ad maturitatem perveniant; a-
 liquos neq; hoc gelu excoquat, quinacorem cruditatemq;
 gemmantibus plantis propriam, retineant. Neq; tamen
 idcirco ſtomachum gerimus, aut præcocis celeritatis Alci-
 noui inſimulamus, quòd quaſdã arbores non adulto autu-
 mno fructibus viduet; quia hi, etſi ante aliorum, non tamen
 ante ſuam maturitatem detrahuntur. Ultimum autem tem-

pus ex mente illius non expectant, quæ in primo maturuerunt.
 Neque mihi ſenectutem quiſquam condat, aut exangues
 canos commendet; certè enim nemini unquam in gloriæ
 cenſum diuturna evaſit ætas, nemini anni in laudum vi-
 ces abjère. Minimum ego Panegyriſ argumentum eſſe re-
 or, quod ab ætate deſumitur, & nescio, an ejuſmodi à
 prolixa ætate ducta encomia in humani elogiij partem me-
 ritò uſurpentur, unde etiam Pharij marmoris cruſta, & ſæ-
 culis duraturi filices, poterant commendari. Aliàs, cedri
 longæva diuturnitas, tot Heroum gloriã ſuperabit;
 quia hanc, contra ſenectæ cariem natura duravit, cui vel
 maxima hominum virtus obnoxia eſt. præſertim, quòd ple-
 riſq; per tractos diuturniùs annos, non minùs de virium
 robore, quàm de virtutis vigore decedit, quorum famæ
 conſuluſſet olim natura, ſi fata primis faſcijs involviſſet,
 ut cum puerilibus crepundijs exitium raperent, neq; è pri-
 mis annis enatarent, qui cum prætexta, honeſtatiſ probi-
 tatiſq; amorem videbantur exuturi. Quem metum quan-
 quam mihi eximebat Tua FRANCISCE ad ſummum vir-
 tutiſ apicem pulchro niſu itura indoles: iniuriuſ nihilomi-
 nuſ in Te audirem, ſi Neſtoris ſenectam (quam immor-
 talitate dignior expectare permiſſuſ non eſ) ereptam Tibi
 lugerem: aut maturatum vitæ finem dicerem, quæ, cum
 apparere major aut non poſſet, aut non egeret, in æterni-
 tatem meritò vergit: ipſã virtutiſ auctoriſtate immortalita-
 tem Tibi comparante. Differant fata, quibus facta pro-
 pagandi neceſſitas incumbit; donec auctior meritorum ap-
 paratuſ, eorum funeri numeroſiorem pompam inſtruat.
 Tua virtus FRANCISCE, iam extra creſcendi limiteſ
 poſita, rectè factorum ſatiſ computat, quòd æternitatem,
 (cui uni decrepita laborat ætas) ante rugas merueriſ: tan-
 tò rebus humaniſ altiſ, quantò remotior à mortaliſ glo-
 riæ incrementiſ. Non populare Tuæ magnitudiniſ argu-

Claudianus
Seneca.

mentum mihi est, festinus hic est vivis excessus; si enim
assentiente illo, summo humanæ felicitatis fastigio admotus
esse creditur, cui diu stare negatum est: eripiente se, &
ex oculis auferente perfecta virtute, cum ad summa iam
pervenit: Te ultra per vulgatas magnorum ideas luctuo-
sus hic provehit obitus, adeoque ad quoddam virtutis cul-
men Te evexit, quæ non desitura intenta æternitati, infra
conatus metas celsitudinem omnem reputat, nisi unico gra-
du, cælorum viciniam contingat. Itaque inter catenatas in-
fortuniorum series deficientis vitæ reliquias trahunt verius
aliqui quam ducunt, antequam ad canos deductæ ætatis
stipendium sibi exsolvatur: Tu illud nondum deposita
bullâ recepisti fortunatissimus, quod Tuæ probitatis præmio
nulla mora interijcitur, cum plerisque rectè factorum mercedem
æternitatis ærarium serò nonnisi refundat. Nimirum piaculo
non caruisset æther, si insolitæ Tuæ virtuti honorarium
eiusmodi differre voluisset, aut si moras tantisper trahere-
ret quousque nobilis Athleta, stadio anhelus, coronam ra-
peres, quam, vixdum inito cursu meruisti. Noveras videli-
cet quantum ex securitate decerpit lenta ad æternitatem
semita, & languida factorum cunctatio: cum non minus
periculis diuturna vita, quam longa navigatio obnoxia sit,
ubi sæpè numero iactatæ diu multumque onerariæ, scopu-
lis allisæ intereunt. Hinc exiguam Vitæ Tuæ celocem in
æternitatis portum subduxisti, Palinuri cuiusvis gloriam
prætergressus, quod procellarum victor, ibi celeusma ceci-
neris, ubi alij periclitari incipiunt. Plane cælo non mun-
do natus fueras, quod, & ipsa probioris Vitæ initia, &
non facile obvix generosi animi dotes, quas non parco
influxu in Te natura effuderat, cælo Te iam olim subhar-
raverant. Illa senilis & ultra annos matura prudentia, ad
cuius leges vitam sic castigabas, ut in ea puerile nihil,
quantumvis centoculus Momus reperisset; orbe hoc, me-
rissimo

rissimo levitatis teatro majorem Indolenti demonstrabat.
Morum, quæ etiam in vultum suaviter amœnum emica-
bat (ut ferè rarò mentis profundiora arcana tegimus, quæ,
hic animi index, etiam invitis quandoque nobis non pro-
dat) innocentia, cæli candidatum Te effecerat. Quid il-
le promptissimus in superos animus? fallor, nisi æterni-
tatem Tibi quovis argumento liquidius adstruebat. Per-
vigilem Tibi toties reddideras auroram, quâ molliore plu-
mâ relicta, cælo preces fudisse non rarò visus fueras; scilicet,
orationis lumina etiam dubiâ luce eminent, nec cæcu-
tire pietas solet unquam, quantumvis sub obscuro crepu-
sculo cælitibus supplex fiat. Dicerem Te matutinis te-
nebris ad cæli infidias usum fuisse, quibus semper inhi-
ans, nec per tenebras quidem, pietatis arietem desinebas
admovere: nisi Tu pro hereditario tantis virtutibus cæ-
lo, excubias tunc agere maluisses, cum dispersas per cœ-
lum vigilias, vicinum solis iubar extingueret submoveretque.
Ergo, supersticiosa antiquitas, in favillam abeunte Principum
cadavere, Aquilam è Pyra emittat, quæ cremandorum
manes in cælum referat: (quasi tam facilis cælorum se-
mita esset, ut eò aliquis famulâ alitis plumâ evaderet:)
Tu, non popularium virtutum pennis in astra evolas, ipsâ
Te provehente pietate, quo suos Cæsares, Roma, Aquila-
rum pernicitate inferri voluit. Quanquam & Gentilitia
SAGITTA, quam Tuis FRANCISCE cæcis æther in-
fixerat, cælo te inferet: nobile hoc, & per sidera ire as-
suetum Telum, cum stylum in ærem dirigit, novam su-
peris. Giganto-Machiam minitatur, nisi pervium Tibi
reddant Olympum. Et verò cælum hi Tibi ultro re-
pandunt: nam

FAllor, an æriam pennâ tollente sub aulam
Præcipiti feror ire volatu?

E

Lin-

Linguo solum, terrasq; meo, montesq; lacusq;
Despicio sub calce relictos.
O inhihe cursum! quid me sub sidera tollis?
Non nostri est hic roboris ausus,
Fictilis heu memini Ceræ, & me rudera nuper
Dædalij pupugêre Nepotis!
Penna tenax sed adurget iter iam proximus astris
Ereptas non cerno novalis:
Sola sed occurrit radiantis scena theatri,
Et vultus derivat Olympum.
Quàm multo micat igne polus! quæ flamma renidet
Cælorum diffusa per ora!
Languentes hîc cerno pyras, dum pervigil, orbem
Illustrat majore sereno
Astrorum cæliq; decus sol. tetrica noctis
Excubias quibus imperat hora!
Contemplor pallentem Hecaten, cui cornua, dives
Auravit sine fæce metallum!
Fixit in objecto variantia lumina Fratres
Cum quo orbis divisit habenas!
Quales septeno volvuntur cardine gyri
Ignitos rapiuntq; Planetas!
Quis teres ille globus sacratis pervius astris,
Obliquo secat orbe coluros?
Quàm benè distinguit longos hic signifer annos!
O circumdata fascia mundo!
O trames, per quem deducunt effeda, vincti
Aurato temone jugales!
Quàm per bisseñas oculos facis ire figuras,
Invisa novitate stupentes!
Hîc auro sparsus locupletis velera tergi
Infelix stat portitor Helles!
Nascentis solitus fovisse crepundia veris

Afflatu

Afflatu levioere Favoni.
Hîc spodium Alcidae Nemees frondentis alumnus
Flammifero violentior æstu!
Retrogradumq; iubar, Piscesq; & Taurus, aquosum
Cui cornu desudat in imbres.
Et, quæ morte Patris terras pertæsa virago est,
Invisas hinc despicit urbes.
Tyndaridæ, recreat vestri me pignus amoris,
Et iustæ duo pondera Libræ.
Hiccine spumantem Ganymedes fusus in urnam
Nascentis princeps iubar anni?
Tunc refers pigras mundo Capricorne pruinas?
Divûm collactanea proles?
Scorpion advertens, miror, quòd repere quondam
In cælum potuere venena!
Quem figis Centaure? cui Tuus imminet arcus?
Tincta, petunt quem, spicula, virus?
Nequidquam duos pepulisti in cornua nervos
Herculeæ haud iuvêre sagittæ.
Centicipis monstri quas pavit noxia tabes.
Nam cælis exesse iuberis.
Fallor enim, vel supremi motoris Olympi
Lapsa meas vox venit ad aures,
Trude senex nervo pennatas trude sagittas
Signum acris brumale Nouembris.
Arcitenente Polus siquidem meliore fruetur,
Quem cælo dat Littavus orbis.
Tela SAPIEHARUM Ceris impressa Patritis
Succedant Chironis honori.
En iam felices FRANCISCUS inaugurat annos
Iam volucris subit astra SAGITTA.
Ista refers meritò celerati præmia fati
Digne puer graviore Senectâ.

Ez

Offu

Offudit Libitina Tuam famamq; perennem,
Et vitam feralibus umbris;
Sed novus Atlantis Sphæræ superadderis hospes,
Noxq; tibi parit ipsa Phanetem.
Tu sol, cum tereti gyrando lampade terras
Divertes hoc lætus ad astrum
Cursum siste diu, neq; cætera visere signa
Accelera properante quadrigâ.

Reliquum, est, ut in cæli zonam
relato FRANCISCI SAPIEHA
animo, fata, dotelq; posthumæ ætati
locuturum, in quo extincti nomi-
nis fama vivere perennareq; possit,
assurgat marmor. Pharium igitur la-
pidem, (innocentiæ enim parenta-
mus,) huc Phidia. cui nullâ tem-
porum injuriâ eradendas, nullo ve-
tustatis dente corrodendas Notas ubi
incideris posteritati relinques monu-
mentum.



Bre-

Brevibus momentis summa perennare
ex hac urnâ disce Posteritas
FRANCISCUS SAPIEHA

Capitaneus Retoviensis &c.
Annos virtute superans,
senili gravitate supra ætatem maturus,
Vivere desijt, cum vivere incepisset.
Diceres æternitati natum fuisse,
quam, Adolescens admodum suspicatur,
Hilaratâ æstivis solibus cæli fronte, nostram tristitiæ nubes
obduxere,

& sereni ætheris risus, in nostras lacrymas desiderunt.
Heu insalubres Sirij ferias!
Calidior mensis, dum in nocuos ardores effervesceat,
Tantam spem in herba arefecit!
Augustus, cladis huius reus est,
iniustus omino mensis,

Quantumvis ab æquitatis signo Bilance, non procul abscedat.
Benè tamen

Agoni Tuo, Augustum delegisti FRANCISCE.
Quam Augustè semper vixeris,
Hic ultimus vitæ Tuæ mensis, exhibuit.
Neq; enim, qui magnificè vivit ac Tu, aliter, ac Tu, mori
potest.

Cælo iam maturus
Non alio tempore melius cecidisses,
quàm, quo adultæ segetes, felicius cedunt.
Cum missionem à literis accepisses
Vacaturus Deo, in cælum properâsti.
hoc nimirum erat otium benè ponere,
Et post Lycei laborem, in æternitate respirare.
In cæli Capitolium ne solitarius incederet victor incendi-
orum

LAVRENTIVS
innocentem FRANCISCI comitatum sibi adlegit.
Deperit eiusmodi societatem Martyr, quam cælum amat.
Ergo Tumulos tectura Cupressus, a funere hoc procul
exulet, quod Laureis æther insignivit

F

Et

Et vero, non alio igne Parentalem FRANCISCI
 rogam arsisse
 congruum erat,
 quàm, qui ex LAVRENTII pyra defumeretur.
 Nitent quidem etiam inter Fatalem noctem
 FRANCISCI Manes:
 quia & sol in occalu clarus est;
 Sed suis flammis clarius illos LAVRENTIVS illustravit,
 Si olim hominibus laurus appicta
 Decorum amicitiae tessera credebatur:
 Numini Te carum fuisse FRANCISCE
 LAVRENTIVS edocebit.
 FAVSTINVS insuper tenellæ animæ exuvias accepit
 scilicet corporis hoc spolium,
 post numerosos Molchoviæ acervos,
 FAVSTINO debebatur.
 Olim SAPIEHANVS mucro, hostium cadaveribus.
 Divum hunc, ad terrorem vallaverat:
 Hunc suum illi tumulum FRANCISCVS affundit
 ad honorem.
 Ne quid fortasse non faustum evenisse FRANCISCO in
 morte crederes.
 Mausolæum sibi FAVSTINVS obtulit
 Tumulus hic pulchra alit omina.
 Expositos in sylva gemellos Urbis conditores
 Faustulus Romanis Fascibus & orbis imperio servaverat:
 Perill: FRANCISCVM SAPIEHA,
 Perenniori æternitatis Tæniæ
 FAVSTINVS admovebit.
 Orbi tamen lacrymas idem obitus excivit,
 & à nobis querelam extorsit,
 qui, nulli in vita querelæ obnoxium FRANCISCUM
 præmaturè raptum queri cogimur,
 & deflere.



APOSTROPHE
 Ad PERILLUSTREM DOMINUM
 D. MICHAELEM
 in Czercia
 SAPIEHA
 THESAURARIDAM NEC NON NOTARIDAM
 M. D. L. CAPITANEUM ROSŁAWIENSEM, &c.
 DEFUNCTI FRANCISCI FRATREM.

AT Tu, quem parili (Ceris auctura serenum)
 Effudit Lucina sinu; quem grandibus ipso
 Nomine, SIDEREI DUX BELLII destinat ausis
 Fatorum ne nosce minas: sed mæsta per ævum
 Incolumis repara Fraternali funera busti.
 Illius Te lustra petunt: Tu sæcula rapti
 Longævus diuturna refer: (nam iure vetusto
 Ereptos Fratri succedes Frater in annos)
 Tu spes illusas, Tu grandia damna relictus
 Afflictæ relevare domus, ex asse PATERNÆ
 Virtutis, Famæq; Heres: Tibi cessit Honores
 Patrias Tibi cessit opes FRANCISCUS; & illum
 Ordine nascendi quem primos cernere soles
 Non tulit invitus, mortis præcessit ad umbras.
 Exanimi spira vivus pro Castore Pollux,
 Nec, nisi grandævam busto compone senectam.



OCCEAVS

ABOCTRARE

MUM

D. M. I. O. H. A. L. L. I. M.

2 A P L E H A

M. D. L. C. A. S. T. R. A. T. I. O. N. E.

...

...

...

...

...

...

...

...

...

wey

132

Plant

Hist. Polon.
6. 1710.

23

